

欽定周官義疏

7-8

服者。女御祿衣是正。不得逾侈。服展衣以上也。媚道。謂道妖。褻巫蠱。以自銜媚。漢書。孝文時。婦人蠱惑。相呪詛。作木偶人。埋之於地。展猶錄也。緒業也。王氏漢法官禁有云。敢行媚道者。展猶錄也。緒業也。昭禹。曰。是省之也。省其絲枲之功緒也。

案內宰所掌無刑者。王之嬪御。惟宜教以禮。作其事。可

罰。可黜而不可刑。嬪婦有過失。小則苛罰。大則黜遠。佐

史職。所謂內政。宮卿。小宰宮刑之建。則以正奄寺女奚。職所謂苛罰是也。

及司厲所入女奴。所居之人民耳。

大祭祀。后裸獻則贊。瑤爵亦如之。

正義

鄭氏康成曰。謂祭宗廟。

賈疏。天地山川社稷等外神。后夫人不與。故知大祭

祀據宗廟而言。

王裸。后從裸。祭統。君執圭瓚裸尸。大宗執璋瓚。

亞裸。大宗亞裸。謂夫人不與而攝耳。瑤爵。后爵以瑤爲

飾。賈疏。四時與禘祫六享。皆有裸獻瑤爵之事。

存疑

鄭氏康成曰。獻謂王薦腥薦熟。后亦從後獻也。尸

卒食。王既醑尸。后亞獻以瑤爵。

賈疏。薦腥薦熟。是堂上朝踐饋獻之節。室中二

裸訖。王出。迎牲時。親延尸於戶外之西南面。后薦八豆

入籩。王牽牲入。以血毛告訖。以薦腥於神前。王以玉爵

酌醴齊以獻尸。后亦以玉爵酌醴齊以獻尸。朝踐訖。乃

以熟薦。王以玉爵酌醴齊以獻尸。后亦以玉爵酌醴齊

以獻尸。名爲饋獻。尸食後。立以玉爵酌朝踐之醴齊。以
醕尸。謂之朝獻。后亦以玉爵酌饋獻之盎齊。以醕尸。謂
之再獻。

案獻之屬莫重於裸。故裸獻連言之。非裸與獻爲二也。
后亞裸用璋瓚。朝踐至醕尸。則用瑤爵。所以別於王之
玉爵也。賓獻者其散爵與。注疏之說。以下經賓客之裸
獻瑤爵推之。而見其不然。祭統。君以玉爵獻卿。以瑤
爵獻大夫。以散爵獻士。不同者。此言王祭。彼言緝祭。禮
尚相變故也。不可以彼例此。

正后之服位而詔其禮樂之儀

正義

鄭氏康成曰。位。謂房中戶內及阼所立處。

賈疏。特牲禮戶

酢主婦。主婦適房中南面。祭酒。及主人致爵於主婦。亦於房中南面拜受爵。少牢禮。主婦入戶西面獻尸。及賓尸。主婦獻尸。於主人席北拜送爵。主人席北。即當阼階。故云阼所立處。此皆約士大夫祭祀之禮而言也。薦徹之禮。當與樂相應。賈疏。天子之禮。薦時歌清廟。及徹歌雍。是薦徹皆有樂節。九嬪職贊。

后薦徹豆。是后薦徹也。

通論

賈氏公彥曰。服。者。內司服。禕衣已下六服。正之。使

服當其用。

王氏昭禹曰。禮器曰。禮交動於上。樂交應

於下。詔其儀。告后以出入進止之節。使與禮樂相應也。

贊九嬪之禮事。

正義鄭氏康成曰。功九嬪贊后之事。九嬪贊后薦玉盞。

薦徹豆籩。

凡賓客之裸獻瑤爵皆贊。

正義鄭氏康成曰。謂王同姓及二王之後。來朝觀為賓。

客者。

賈疏。二王之後稱公。王同姓為侯伯。得與上公同。

再裸為子男。則與異姓同一裸。無后裸也。大行人職。上公之禮再裸而酢。侯伯一裸而酢。子男一裸不酢。是上公王先一裸。次后再裸。裸之禮。亞王。

而禮賓。

國

此謂諸侯來朝而王饗之之禮。王饗賓則后有裸獻

及瑤爵之禮。而內宰贊之也。大行人職所云再裸而酢

一裸而酢一裸不酢者。乃朝享後主以鬱鬯禮之之禮。

與聘禮聘享後主國君以醴醴賓同。非謂饗也。后之禮。

大宗伯攝之。賈氏特借彼以說此耳。

有豆

鄭氏康成曰。獻謂王饗燕。亞王獻賓也。瑤爵所以

亞王酬賓也。

賈氏公彥曰。饗禮在廟。享大牢以飲賓。

立而行禮。獻依命數。爵盈而不飲。燕禮牲狗一獻。四舉。旅降脫屨。升坐。以醉爲度。饗燕后皆助王獻賓。酬賓內宰皆贊后也。

燕禮在寢后不與饗禮在廟后亦無酬賓之理。卿大

夫儻尸主婦尚不酬賓。曾王朝賓客之禮而后酬賓乎。旣無酬則瑤爵當用以獻而裸獻之不分爲二矣。酬則用觶亦未聞其以瑤爵也。

致后之賓客之禮。

正義

鄭氏康成曰。謂諸侯來朝觀及女賓客。

賈疏。女賓謂畿內同

姓諸侯夫人。有會見王后之法。故亦致禮焉。

賈氏公彥曰。謂若酒正職共

后之致飲于賓客之禮。

凡喪事佐后使治外內命婦正其服位。

正義

鄭氏康成曰。內命婦。謂九嬪世婦女御。

賈疏。不言夫人者。夫

人從后不在治限。

鄭司農云。外命婦。卿大夫之妻。某謂士妻亦

為命婦。

賈疏。周之禮。上士三命。中士再命。下士一命。明士妻亦為命婦。

賈氏公彥曰。

言凡則王后世子以下皆是服位。服之精麤。位之前後。

使治以下。卽佐后之事。使。蓋使內小臣爲之。內小臣掌王后之命。正其服位。則以后命正諸命婦之服位。於事爲便也。康成謂使其屬之上士。未必然。喪服傳云。夫尊於朝。妻貴於室矣。言夫妻一體。貴賤同之。命其夫則婦已在其中也。故云婦人無爵。從夫之爵。先鄭謂王命其夫后命其婦。未必然。記曰。夫人之不命於天子。自魯昭公始也。然則夫人之爵。命蓋從夫而統於天子矣。

凡建國佐后立市設其次。直其敘。正其肆。陳其

貨賄出其度量淳制祭之以陰禮

淳劉諸允反徐音純

正義

鄭氏康成曰市朝者居所以建國也建國必面朝

後市王立朝而后立市陰陽相戒之義陳猶處也度大

尺也量豆區之屬故書淳爲敦杜子春讀敦爲純謂幅

廣也制謂匹長某謂純制天子巡狩禮所云制幣丈八

尺純四

賈疏趙商問天子巡守禮制幣丈八尺純四

又太廣四當爲三三八二十四二尺四寸幅廣也古三四積畫是以三誤爲四陰禮婦人之

祭禮賈氏公彥曰王者建國有易世而遷者自湯至

盤庚五遷。太王遷岐。文王遷豐。武王遷鎬。成王營洛。皆是故云。凡以該之也。劉氏彝曰。朝以聽天下之政。故君立之。天道也。市以聚四方之貨。故后立之。地道也。柯氏尚遷曰。此不過建國之初。后掌其禮。既立市。則后便不得與其事故。司市夫人過市。則有罰也。王氏安石曰。次其官之次。司市所謂思次介次是也。敘其地之敘。司市所謂各于其地之敘是也。肆。謂陳物之肆。肆。長所謂各掌其肆之政令是也。

中春詔后帥外內命婦始蠶于北郊以爲祭服。

中音

仲

正義鄭氏康成曰蠶于北郊婦人以純陰爲尊。賈疏祭

親耕於南郊以純陽爲尊則結天子后蠶於北郊以純陰爲尊也郊必有公桑蠶室焉。

通論李氏觀曰王后之尊而親蠶則天下女子莫不執

懿筐矣王后之尊而獻種則天下女子莫不饁南畝矣。

王后之尊而勤禮職則天下女子莫不執婦道矣。賈

氏公彦曰月令三月后妃親東鄉躬桑此云仲春始蠶

者蓋謂浴種。至三月又浴種。乃生之。故設文異也。

歲終則會內人之稍食。稽其功事。

正義

鄭氏康成曰。內人主謂九御。

賈疏。典婦職授嬪婦及內人女功之事。齋。

內人是九御也。

王氏安石曰。內人既均其稍食。歲終則會之。

既展其功緒。歲終則稽之。

王氏昭禹曰。展言緒。則所

展者功之倫緒。稽言事。則所稽者功之成事。

佐后而受獻功者。比其小大。與其麤良而賞罰

之。

正義鄭氏康成曰獻功者九御之屬。賈疏上文以婦職之法教九御則所

受獻功者還典婦功職及秋獻功。賈氏公彥曰功謂

是九御之屬絲枲之功。

案大小以所成之物言如布帛錦繡則功事之大者組

帶紛帨則功事之小者小大之中各有麤良賞罰蓋

於稍食中上下之

會內宮之財用

正義鄭氏康成曰計夫人以下所用財。賈疏總六宮之內所有財用皆

會計之。故云計夫人以下所用財也。

案膳夫庖人內饗職所共。獨王及后世子之食飲膳羞。

則夫人以下當別有共之者。故內宰會其財用。蓋必如此。然後事不冗而人皆得其節適也。用此知古者夫人嬪婦女御。爵命雖視公卿大夫士。然有財用而別無祿秩。蓋深居宮禁。隨身調度。及母家媼戚問遺禮幣。凡用財之事。皆包於九式之匪頒好用中。內府共王之好賜予。外府受凡邦之

小此古聖王所以謹內治明內教而爲萬民所則效也。

正歲均其稍食。施其功事。

正義鄭氏康成曰。均。猶調度也。施。猶賦也。王氏安石

曰。稍食。歲終既會之矣。正歲又均焉。功事。歲終既稽之矣。正歲又施焉。

案上經會內人之稍食。計所以給也。正歲又均其稍食。何也。功事有劇易。精粗。所獻有良苦。則稍食必有損有益。而後得其平。非歲歲而均之不可。

憲禁令于王之北宮。而糾其守。